

**BILBAO EKINTZA EPEL ETA ELHUYAR FUNDAZIOAREN ARTEKO LANKIDETZA-
HITZARMENA, “ELHUYAR ZIENTZIA AZOKA 2021” IZENeko EKITALDIA
ANTOLATZEKO ESPARRUAN**

Erref. 210509/Col.

Bilbon, 2021eko maiatzaren 24an.

AGERTU DIRA

Alde batetik, F. JAVIER GARCINUÑO ZABALA jauna, BILBAO EKINTZA EPELeko zuzendari nagusia den aldetik (IFZ: Q-4800731-D eta helbidea: Nafarroa 5, 48001 Bilbo), behar den moduan izendatua, entitatearen Administrazio Kontseiluak 2019ko abuztuaren 21ean egindako izendapenarekin bat etorritik eta Bilbao Ekintza EPELren Estatutuen 16. eta 17. artikuluetan xedatutakoarekin bat etorritik (Bizkaiko Aldizkari Ofizialeko 2011ko uztailaren 5eko 127. zenbakia).

Beste alde batetik, JON ABRIL OLATEXEA jauna, adinez nagusia, ELHUYAR FUNDAZIOAREN izenean eta ordezkartzen (IFZ: G20780896 eta helbidea: Zelai Haundi 3– 20170 Usurbil).

ADIERAZI DUTE

I.- BILBAO EKINTZA EPEL erakundea (aurrerantzean BILBAO EKINTZA) Bilborako ekonomia- eta gizarte-aberastasuna sortzea sustatzen duen udal-erakundea da; horretarako, hiria bultzatzen du inbertitzeko leku erakargarri gisa eta enpresak sortzen eta hazten laguntzen du, laneratzeko aukerak hobetzen dituela.

II.- ELHUYAR FUNDAZIOAK (aurrerantzean “entitate onuraduna”) Zientzia Azoka izeneko ekintza aurkeztu dio BILBAO EKINTZARI. 12 eta 18 urte bitarteko gazteei zuzenduta dagoen jarduera bat da, eta, hain zuzen ere, ikasturtean zehar proiektu zientifiko edo teknologiko bat garatuko dute, zeinari amaiera emango zaion 2021eko ekainaren 5ean antolatuko den azokan. Gazteek Areatzan aurkeztuko dituzte proiektuak, eta proiektu irabazleen sari-banaketa Zabalguneke eraikinean antolatuko da.

III.- “ELHUYAR ZIENTZIA AZOKA 2021” ekimenak gastuen aurrekontu handia du; hori dela eta, ENTITATE ONURADUNAK entitate laguntzaileek parte hartzea behar du, entitate publikoek zein pribatuek.

IV.- Jasotako gogoetak oinarri hartuta, Bilboko Udalaren Udalbatzak 2020ko abenduaren 31n egindako saioan erabaki zuen 2021. urteko aurrekontuetan BILBAO EKINTZA EPEL entitate publikoaren dirulaguntza izendun bat onestea ELHUYAR FUNDAZIOAREN alde. Dirulaguntzaren zenbatekoa HOGEI MILA EUROkoa da (20.000,00 €).

V.- Hori guztia dela eta, interesgarritzat jotzen da BILBAO EKINTZAREN eta ENTITATE ONURADUNAREN arteko lankidetza-hitzaumen bat ezartzea. Horrela, orain arte azaldu denaren ondorioz sortutako eskubideen eta betebeharren esparrua arautzeko asmoz, bi aldeek eskumen eta gaitasun juridiko nahikoa aitortu diote elkarri esku hartuko duten kontzeptuan, eta hitzaumen hau sinatu dute, zeina honako klausula hauekin bat etorritz arautuko den

KLAUSULAK

LEHENENGOA.- Xedea

Dirulaguntzaren xedea da “ELHUYAR ZIENTZIA AZOKA 2021” izeneko ekitaldia Bilbon antolatu ahal izatea. Hain zuzen ere, 2021eko ekainaren 5ean antolatuko da Bilbon.

BIGARRENA.- Lankidetza garatzea

ENTITATE ONURADUNAK konpromisoa hartzen du ekintza jarduketa-proposamenaren arabera antolatzeko, bai eta aurkeztutako dokumentazioaren arabera ere. Era berean, BILBAO EKINTZAK eskatzen dizkion ekitaldietan parte hartzeko konpromisoa hartzen du, sustapen-ekitaldiak, ekitaldi sozialak edo komunikabideetakoak izan.

Beste alde batetik, BILBAO EKINTZAK HOGEI MILA EUROKO (20.000,00 €) zenbateko globala emango dio ENTITATE ONURADUNARI, ekitaldia antolatzeko dirulaguntza gisa.

HIRUGARRENA.- Ordainketak egiteko modua

BILBAO EKINTZAK, egindako akordioekin bat etorritik, konpromisoa hartzen du ENTITATE ONURADUNARI hitzarmen honetako bigarren klausulan jasotako zenbatekoa emateko honako epe eta baldintza hauetan:

- HAMALAU MILA EUROKO zenbatekoa (14.000,00 €) gehienez ere hilabeteko epea ordainduko da, hitzarmen hau sinatzen den unetik aurrera zenbatzen hasita.
- SEI MILA EUROKO zenbatekoa (6.000,00 €) ekitaldia amaitzen denean ordainduko da, honako dokumentazio hau aurkeztu ondoren:
 - Jarduketa-memoria, egindako jarduerak eta lortutako emaitzak adierazita (dokumentazio grafikoa ere aurkeztu beharko da, jarduerak bisualki ikusi ahal izateko).
 - Hitzarmen honetan jaso diren eta diruz lagundu daitezkeen kostuak justifikatzeko memoria ekonomikoa. Honako hau jasoko da bertan:
 - Egin diren jardueren diru-sarreraren zerrenda.
 - Egin diren jardueretan izandako gastuak, hartzekoduna identifikatuta.
 - Eskatu diren aurrekontuak (3), dirulaguntzari egozten zaion gastuetakoren bat Sektore Publikoaren Kontratuen Legeak kontratu txikietarako ezarritako muga (15.000 euro) baino handiagoa izatekotan.
 - Jatorrizko fakturak edo kopia erkatuak, dirulaguntzaren zenbatekoari egotzitako fakturak direnean, eta ordainketa egiaztatzen duen dokumentazioa ere aurkeztu beharko da. Faktura horiek ezin izango dira

aurkeztu beste erakunde batzuetan dirulaguntzak justifikatzeko, egotzi gabeko ehuneko izan ezik.

ENTITATE ONURADUNAK, dena den, emandako dirulaguntza osoa aipatutako unean baino lehenago ordaintzeko eskatu dezake. Horretarako, idatziz aurkeztu beharko du eskaera. BILBAO EKINTZAK, ikusten dituen premien arabera, aitortutako dirulaguntza ordaintzea onartuko du. Hori guztia kontuan hartuta goian zerrendatu den dokumentazio guztia aurkeztu behar dela.

Justifikatutako zenbateko osoa emandako eta hitzarmen honetako bigarren apartatuan jasotako zenbateko osora iristen ez bada, BILBAO EKINTZAren azken ekarpena murriztuko da zenbateko horien arabera, eta izan daiteke ENTITATE ONURADUNAK justifikatu gabe geratzen den eta aldeaz aurretik jaso duen zenbateko ekonomikoa itzuli behar izatea.

ENTITATE ONURADUNAK bermatu egingo du ez dela gainfinantzaketarik egongo hitzarmen honetan jaso diren eta diruz lagundu daitezkeen kostuei dagokienez. Horrelakorik gertatuz gero, ENTITATE ONURADUNAK BILBAO EKINTZAri itzuli beharko dio alde hori gaingaitzen duen ehunekoa.

LAUGARRENA.- Erantzukizunen erregimena

BILBAO EKINTZA, inolaz ere, ez da ekintzak gauzatzekoan sortu daitezkeen kalteen erantzulea izango.

ENTITATE ONURADUNAK bere gain hartuko du hitzarmenari dagozkion jardueretatik sortzen diren kalteen erantzukizuna, eta erantzukizun zibileko aseguruak kontratatu beharko ditu, eska dakizkiokeen beste batzuk gorabehera. Gainera, entitateak berak hartuko du horiek ordaintzeko ardura.

BOSGARRENA.- Indarraldia

Lankidetza-hitzaumen hau sinatzen den unetik aurrera eta diruz lagunduko den ekintzak gauzatu arte egongo da indarrean. Dena den, hitzarmena iraungitzen den egunetik aurrera ere derrigorrez bete beharko dira hitzarmena amaitzen denean ere derrigorrez bete beharreko klausulak.

SEIGARRENA.- Publizitatea

ENTITATE ONURADUNAK konpromisoa hartzen du laguntzaile gisa BILBAO EKINTZAK ematen dizkion logotipoak lehentasunezko leku batean jartzeko jarduketan publizitatean, bai eta zabaltzeko materialetan eta seinaleetan ere, besteak beste.

BILBAO EKINTZAK ENTITATE ONURADUNAK aurkeztutako memorian jasotako dokumentazioa erabili ahal izango du (edozein euskarritan ematen dituzten irudiak barne hartuta) sustapen-produktuak prestatzeko eta interesgarri jotzen dituen komunikabideetan eta bitartekoetan zabaltzeko (memoriak, ikus-entzunezko proiektzioak, bestek beste, Bilboko Turismo Bulegoan). Horri dagokionez, ENTITATE ONURADUNAK BILBAO EKINTZARI helburu horrekin aurkezten dizkion euskarri eta dokumentuetan agertzen diren pertsonen baimen egokiak eduki beharko ditu, eta bera arduratuko da beste batzuek BILBAO EKINTZAren aurka egiten duten erreklamazioez edo erreklamazio-mehatxuez defendatzeaz, baldin eta erreklamazio horren arabera hornitutako edukietan datu pertsonalen babesa urratzen bada, bai eta, kasuan kasu, hirugarrenen jabetza intelektuala edo industrialak urratzen bada ere.

ENTITATE ONURADUNAK BILBO EKINTZA salbuetsiko du aurreko bermeak ez betetzeagatik sor daitezkeen erreklamazio, kalte edo karguetatik. Era berean, BILBAO EKINTZAK esperientzia, baliabideak eta dokumentazioa aurkezteko konpromisoa hartzen du, ENTITATE ONURADUNAREKIN indarrak batu eta elkarrekin lan egiteko, betiere, hiribilduaren promozio integrala askotariko adierazpenetan egiteko eta Bilboren etorkizuneko proiektzioa bermatzeko.

ZAZPIGARRENA.- Onuradunaren betebeharrak

ENTITATE ONURADUNAK Dirulaguntzei buruzko azaroaren 17ko 38/2003 Legearen 14. artikuluan jasotako betebeharrak betetzeko konpromisoa hartzen du, eta ezagutu eta onartzen dituela adierazten du.

Era berean, irudi profesional onari eusteko eta BILBAO EKINTZAren irudiari kalte egiten dion edozein jokabide edo jarrera saihesteko konpromisoa hartzen du. Bestalde, azken horrek hala eskatzen duenean garatuko diren jardueren eta egingo diren sustapen-ekintzen inguruko informazioa emango du, bai eta horren oihartzunaren inguruko informazioa ere.

ENTITATE ONURADUNAK lankidetza-hitzaumen honetan bere gain hartutako betebeharrak betetzen ez baditu, BILBAO EKINTZAk hitzarmena suntsiarazteko eskumena izango du, eta, gainera, ordaindutako zenbatekoak itzultzeko eskatu ahal izango du.

ZORTZIGARRENA.- Arau-haustek eta zehapenak

Dirulaguntzei buruzko 38/2003 Legearen 52. artikuluan eta hurrengoetan jasotako arau-haustek eta zehapenak, halaber, lankidetza-hitzaumen honetan jasotako zerrendan aplikatuko dira.

BEDERATZIGARRENA.- Araudia

Lankidetza-hitzaumen honetan jaso ez diren alderdien kasuan, Dirulaguntzei buruzko azaroaren 17ko 38/2003 Legean xedatutakoa beteko da, bai eta garapen-araudian xedatutakoa ere.

HAMARGARRENA.- Jurisdikzio eskuduna

Aldeek beren-beregi uko egiten diete egokitu dakiekeen beste edozein foruri, eta hitzaumen honen ondorioz sortu daitezkeen eztabaida guztiak Bilboko Auzitegi eta Epaitegien esku utziko dituzte.

Hala jasota geratu dadin, berretsi eta hitzarmenaren bi ale sinatu dituzte, ondorio bakarrarekin, hasieran jaso diren hirian eta egunean.

BILBAO EKINTZA EPEL

ELHUYAR FUNDAZIOA

Sin. F. Javier Garcinuño Zabala

Sin. Jon Abril Olaetxea